

# Asean perlukan bantuan — Dr M



DR. MAHATHIR MOHAMAD

KUALA LUMPUR, Isnin. — Perdana Menteri, Datuk Seri Dr. Mahathir Mohamad hari ini menyeru masyarakat dunia memberi lebih perhatian kepada negara-negara Asean dalam usaha memerangi masalah penyalahgunaan dadah.

"Negara-negara Asean, yang menjadi punca dan pemikul beban masalah dadah antarabangsa, patut mendapat perhatian yang lebih dari masyarakat dunia," tegas beliau.

Katanya, adalah bagi kepentingan masyarakat

dunia bukan sahaja membantu kita dalam bidang mengurangkan bekalan dadah tetapi juga mengurangkan permintaannya.

"Dunia akan meraih keuntungan jika masalah dadah di rantau Asean dikurangkan, kiranya tidak dithapuskan," tambah Datuk Seri Dr. Mahathir ketika merasmikan Persidangan Antarabangsa Ketiga Pertubuhan-pertubuhan bukan Kerajaan Mengenai Pencegahan Penggunaan Dadah, di sini.

Seramai 120 perwakilan dari 22 negara menghadiri persidangan lima hari itu yang dian-

jurkan oleh PEMADAM Kebangsaan dengan kerjasama Sekretariat Narkotik Malaysia.

Perdana Menteri juga membidas sikap pihak-pihak tertentu dari berbagai bidang dan profesion yang melambatkan usaha mengatasi masalah dadah.

Belliau berkata, golongan tersebut mengangap dadah sebagai masalah berbagai bentuk tetapi lebih banyak menghabiskan masa bertelagah tentang bidang atau profesion mana yang patut memainkan peranan utama.

"Dengan berbuat demikian, mereka secara satu kumpulan, tidak memberikan masalah tersebut keutamaan yang seharusnya diberikan."

Menurut Datuk Seri Dr. Mahathir, dadah merupakan punca berbagai masalah sosial yang timbul masa ini.

"Perpecahan keluarga, penghijrahan ke bandar dan lemahnya kepercayaan agama adalah di antara masalah-masalah yang menyebabkan bertambah buruk masalah dadah."

Tegasnya, cara paling berkesan mengatasi masalah-masalah tersebut ialah dengan menyelesaikan sekali-gus kedua-dua masalah sosial dan dadah itu.

Belliau menegaskan Kerajaan bertanggungjawab melaksanakan usaha tersebut dan bagi mencapai matlamat menghapuskan penyalahgunaan dadah di negara ini, ia tidak akan membenarkan sikap irihati wujud di antara kumpulan atau profesion.

Perdana Menteri berkata, dadah masih menjadi musuh pertama negara dan sebagai masalah keselamatan ia akan terus diberi keutamaan.

"Kerajaan akan terus menghulur bantuan kepada PEMADAM dan lain-lain pertubuhan bukan Kerajaan supaya masalah dadah dapat ditambusi dari segenap penjuru," tegas beliau.

Belliau menambah, Kerajaan membelanjakan lebih \$100 juta untuk melaksanakan berbagai program mencegah dadah.

"Apa yang penting bukan jumlah yang dibelanjakan tetapi hasil yang dicapai."

Bahan asal dari Arkib  
Negara Malaysia